



BIKPELA WARI LONG WARA

Inap long 10-pela de wanpela bikpela lain save-man i bin kibung long bik-taun Mar del Plata long kantri Argentina long Saut Amerika na autim wari bilong planti pipel bilong graun long wara.

Wara em i bikpela samting long laip bilong yumi.

Mipela olgeta i bin kamap long wara tasol. Na insait long bel bilong mama, yumi bin stap olsem wara.

Wara i karamapim moa olsem wan hap bilong dispe-la graun bilong yumi. Sapos i no gat wara, i no gat laip. Sapos i gat planti wara tumas, laip i lus.

I gat planti kain kain wari long wara long wan wan kantri. Long sampela kantri ol pipel i pinisim pinis wara bilong ol. Long sampela kantri ol i yusim planti wara tumas long ol fam. Long sampela kantri gen ol faktori i yusim planti wara moa. Long sampela kantri ol faktori


na woksap i mekim wara i doti na i sting na ol pis i save dai.

Planti kantri i no gat gutpela wara bilong dring. Wara nogut i save bringim planti kain sik - olsem malaria na pekpek wara. Ol dispela kain sik i save kilim 25,000 pipel olgeta de . . .

I tru, i gat planti wara. Tasol em i solwara. Na olsem wanem mipela inap long tanim solwara i kamap kolwara? Long sampela kantri em i bikpela wok bilong ol meri long karim wara i kam. Sam-taim ol i mas wokabaut inap 15 mail bilong kisim wara.




CIRIC Foto



United Nations Poto

Em i wampela hul wara long Afrika na ol meri i wok long pulimapim ol baket bilong ol. Hia wara i stap daunbilo tru long graun na ol i mas haisapim long longpela baklain moa. Antap long graun i no gat wara olgeta long dispela hap.




Dispela poto i soim hap bilong Indonesia we i gat planti wara na ol i save banisim gut bilong kamapim rais. Sapos yumi PNG i mekim wankain long hap bilong Sepik, bai yumi ken groim inap rais bilong olgeta manmeri bilong PNG.





Dispela taim mipela i laik yusim wanpela piksa stori bilong autim wanpela wari bilong mipela.

Dispela piksa stori i kam long sampela tisa bilong nupela independen kantri bilong Afrika, ol i kolim Guinea Bissau. Mipela i pilim Guinea Bissau na Papua Niugini i gat wankain wari long edukesen dipatmen bilong tupela. Ol i piksaim olsem wanpela fanel.



Dispela piksa bilong fanel em i soim as wari bilong wok edukesen long tupela kantri wantaim. Yu lukim gut dispela piksa na yu ting dispela wanpela studen i kamap long maus bilong fanel, em husat? Em dispela wan wan man bilong olgeta tausen studen i winim haikul pinis na i laki long painim wok. Planti tausen nogat. Ol i stap nating yet; i no gat wok long ol. Ol i no dropaut; ol i gutpela studen tru.

Bai ol i painim wok we? Gavman i gat inap wokman pinis. Planti bisnis i go pinis.

Bai yumi mekim wanem nau? Wokim moa skul yet?

Ol politikal pati i ting olsem. Lukim platfom bilong wan wan. Olgeta ol i tok: wokim moa skul - moa skul long ples, moa haikul.








Moa skul yet? Bilong wanem? Bilong solapim moa moa yet dispela lain saveman i no gat wok?

I luk olsem ol i laik wokim fanel i go bikpela na braitpela moa. Tasol maus bilong fanel i wankain yet. Em bai helpim husat?

Yu ting wanem? Ol i ting wanem?



STORI BILONG MIPELA I STAT LONG WANPELA SKUL LONG KANTRI GUINEA BISSAU LONG AFRIKA



PAS I KAM LONG OL PIPEL

BAIM MERI O NOGAT

Dia Edita - Kastam bilong baim meri insait long Papua Niugini i stat long i go indai isi isi nau. Nating long tupela yia moa long i kam bai pinis olgeta.

Olsem wanem ol rida, i gutpela long yumi tokim gavman bilong yumi long putim wanpela Lo long Tambuim Yusim Mani bilong baim meri? Long wanem nau long dispela taim planti papamama i stat long salim ol pikinini bilong ol long bikpela prais, so ol i ken yusim mani bilong baim ka o kirapim stua.

Insait long kastam bilong tumbuna bilong yumi i gat tripela we bilong baim meri. (1) Skelim prais i kam long tupela sait, meri na man. (2) baim bek prais i kam long papamama bilong meri na (3) baim meri stret.

Ol tumbuna bilong yumi i gat gutpela pasin bilong baim meri long givim amamas long tupela nupela marit.

Nau long dispela taim planti man i save baim ol meri bilong ol long planti handet kina. Ol papamama i no moa bihainim pasin bilong tumbuna na stat long resim ol pikinini meri bilong kisim mani.

Ol papamama olsem wanem, yu kirapim ol lain pikinini meri bilong salim ol olsem enimal bilong mekim bisnis. Ol i wankain man olsem yu i gat blut bilong yu.

God i wokim man na meri olsem em yet na i no ken salim ol long mekim bisnis. Meri i no samting yu salim long maket ples long sampela prais.

Sapos ol pipel i no laik bihainim pasin bilong tumbuna bilong baim meri, o-rait, maski long baim meri long mani na lusim olgeta pasin bilong baim meri.

Pasin bilong baim meri long Simbu

Mi ting planti bilong yumi ol yangpela pipel i no laikim pasin bilong baim meri. I tru yupela ol yangpela man na meri nau i stap wok long taun o siti. Yupela i ken marit long laik na i no long mani. Insait long ol ples i hat wok long ol yangpela pipel i abrusim pe bilong meri long wanem ol pasin bilong baim meri i strong tumas insait long viles.

Laz. Z. Smith,
Banara/Bogia.

LOTU LONG OLGETA HAP

Dia Edita - Mi laik traim na bekim pas bilong Kristen Brata John Sonie bilong E.N.B.P., i bin raitim wanpela pas long Wantok bilong Sarere 22 Janueri, 1977, pes 18.

Brata mi ting olsem, oltaim yu save i go lotu tasol long bodi. Bilong wanem, taim yu i go lotu long Sande na pre long taim yu

Sande na pre long God long em i ken tanim bel bilong arapela bai i kam bek long lotu? Brata, ating yu wanpela misin boi o bos bilong sios mi no save tasol tok bilong yu i soim olsem yu i no gat bilip bilong yu. Sapos yu mekim olsem na ol i kristen i no tanim bel em yu yet i no gat bilip bilong yu.

Yu save long las de bilong Kraus ol man i gat bilip tasol bai i go long heven. Na husat man na meri i save i go oltaim long haus bilong God tasol bai ol i popaia long tok bilong God. Olsem na yu i no ken ting lotu em i save i stap tasol long haus lotu. Lotu i save i stap long olgeta hap.

Em tasol bekim bilong mi. Sapos husat kristen brata putim gen long Wantok. Bai mi amamas tasol long harim o kisim gutpela kaikai long yu.

Moses Yongi,
Arawa.

Not Solomons Provins.

KROSIM KOKI MAKET

Dia Edita - Mi gat liklik wari bilong mi long autim long ol wantok hia long Port Moresby. Yes ol wantok, yupela i ting olsem wanem long Koki maket? Yupela ting em i gutpela maket bilong yumi a? Mi lukim em i nogut stret. Ples i doti nogut tru na ol flai i pulap tru long dispela maket na smel nogut tru. Na mi harim ol planti man-meri i no laik long go long dispela maket. Yupela harim dispela tok na pilim olsem amamas o olsem wanem?

Long mi, mi pilim sem long wanem em i bikpela maket bilong i stap insait long bikpela siti bilong yumi Papua Niugini. Yupela, traim na klinim maket ples na salim ol fres kumu, taro na kaukau. Maski salim ol drai kaikai. Olsem wanem?

Long arapela maket ol

salim fres kaikai. Tasol long Koki maket yupela i salim drai kaikai. Olsem na i no stret.

Yu husat man o meri i gat wanem kain wari, rait i kam tasol. Bilong wanem bikpela nem Koki maket nating?

E.Tingkeo Kathrina,
Idubada/Port Moresby.

SALIM OL
PAS I KAM
LONG:

WANTOK
BOX 1982
BOROKO

KOTIM KOT


Dia Edita - Wari bilong mi em i go olsem. Long wanem tru ol Viles Kot na Lokal Kot i mekim tambu long askim kwesten long ol? Long wanem kwesten em i olsem, sapos yu man o meri i no save long wanem samting, yu mas askim bai ol i ken eksplen- im gut. Na yu ken harim.

Long skul tu i wankain. Ol skul manki i no save, ol i mas askim Tisa. Orait bai tisa bilong ol i mas skulim ol gut. Na dispela tu i wankain long taim bilong kot. Sapos yu man o meri i no save long sampela lo, orait, yu mas askim bos bai ol i ken skulim yu gut. Sori dispela nogat.

Mi lukim long ples bilong mi. Sapos man o meri i go sanap na askim kwesten, em bai ol i holim dispela kot bilong askim kwesten pastaim, na bai dispela man o meri i mas baim kot bilong askim kwesten pastaim. Bihain ol i ken holim kot bilong dispela trabel.

Olsem na mi autim wari bilong mi long Wantok Niupepa. Mi ting kwesten i impoten long olgeta man o meri i ken kisim klia.

Gormbo Nogomindi,
Tau/Is Sepik.





FOCUS

BENG I GIVIM K 15 MILION KINA

Wol Beng i dinau long Papua Niugini inap long moa olsem K15 milion kina. Dispela dinau em inap long 50 yia.

Ol i ting long wokim gut tru Hailans Haiwe bilong mekim ol Hailans provins i go het gut. Ol i lukim Hailans em i gutpela tru bilong groim kopi na ti; na tu i gutpela ples bilong groim bulmakau tu.

Gutpela rot em i namba wan samting Hailans i mas gat. Inap nau rot i save bagarap nogut long taim bilong ren; na sampela maunten i save pundaun karamapim rot. Na tu sampela hap rot i no gutpela tru yet, olsem antap long Maunten Hagen i go long hap bilong Enga. Olsem na planti taim ol trak i pas na i planim i stap na planti samting ol trak i karim i save bagarap.

Ol i ting long koltaim wampela hap namel long Goroka na Garngl - long wanem rot i go antap moa long Daulo. Na tu ol ensinia bai stretim gut rot i stap namel long Togoba na Waterais - na tu Togoba i go long Wapenamanda.

YUNAITET NESENS I BAIM SKUL BILONG FAIPELA MANMERI

Mista Monekeke Jonathan

Em bilong Isten Hailans na i bosim wok kakaruk long dipatmen bilong Praimeri Industri. Em bai go long Los Banos Yunivesiti long Filipin Ailan. Em bai skul long ol pasin bilong yusim na bungim na wokim olkain samting long susu bilong bulmakau.

Mista Frank Igo

Em bilong Dipatmen bilong Helpim ol Wokman. Em bai go long kantri Switserland na skul moa long ol pasin bilong helpim ol wokman i kisim gutpela pe gutpela sindaun long ol bosman bilong ol.

Mista Watoka A. Kembli

Em i ofisa bilong ofis bilong lukaut long ol bus na wara na samting bilong graun bilong PNG. Em bai go long Manila long Filipin Ailan long skul long ol pasin ol bikpela faktori i save mekim na i save bagarapim wara nabaut long faktori bilong ol olsem tasol olgeta samting i dai long wara, na wara i sting.

Mista Momoru Kina

Em i bilong dipatmen bilong edukesen. Em bai go raun long Solomon Ailan na Fiji na Wes Samoa bilong lukim ol pasin bilong tis na mekim skul long ol praimer skul bilong dispela ol kantri.

Mista G. R. Mairi


Em i bilong edukesen dipatmen bilong Saten Hailans; em i skul inspekta. Em tu i go long glasim gut ol gavman long Kenya, Zambia, na Nigeria i skulim ol sumatin long wanem ol samting long skul bilong ol.

SAVEMERI BILONG HELPIM OL PLES I KISIM GUTPELA SINDAUN


Meri ya em long Mis Ingebjorg Aarek bilong kantri Norwe long Yurop. Em i laik soim ol pipel long kain kain we na pasin bilong sindaun gut long ol fam. Em bai mekim dispela skul long Hailans Institut bilong Wok Didiman na Fama long Mt. Hagen.

Em namba wan taim nau ol meri tu i ken kam skul long dispela skul. Ol bai skul long pasin bilong komyuniti helt, long olkain kaikai na pasin bilong yusim kaikai, long pasin bilong helpim famiali. Ol dispela samting ol i bin traim pinis long Vudal na Popondetta Institut bilong Didiman long yia i go pinis.


Ol sumatin i winim skul pinis, ol i hambak na i laik sanap olsem bikpela saveman - na ol arapela man i rabis tasol.



Na bikos ol i saveman, ol i mas kisim bikpela mani na ka na naispela haus.




Wok bilong ol skul em i bilong wokim moa na moa dispela kain hambakman.




Kaman, yu kam antap.. kisim save..


Olsem na i gat tupela kain manmeri: rabisman na maniman.



Skul bilong bipo em i skulim yumi long olgeta kain samting long ol arapela kantri. Tasol em i no redim yumi liklik long sindaun gut long as ples bilong yumi.



Ol i skulim ol sumatin long lusim ting long pasin bilong ples.




Sampela i lusim skul na i painim ples i narakain - i no olsem ol skulbuk i tok.



Tasol planti sumatin i driman tasol long ol gutpela samting



Ol saveman i bin kisim skul ol i gat hap taun bilong ol yet. Ol fama em ol i rabisman tasol, em ol man i dropaut.....



Sapos yu go long skul na yu kamap maniman hariap. Bai yu flai i go antap.



Stori bilong ileksen insait long India

Wanpela famili, em bilong Nehru, na wanpela politikal pati, em Kongres Pati i bin bosim ol 600 milion pipel bilong India inap long 30 yia nau bihain em i bin kisim independens bilong en. Nau long ileksen ol pipel i bin kirap na rausim pawa long han bilong dispela famili na politikal pati, tupela wantaim.

Het bilong dispela famili, em Misis Indiria Gandhi, em i lusim ileksen bikos em i bin mekim tupela samting ol pipel bilong kantri i no laikim. Namba wan, em i bin kisim tumas pawa long han bilong em na tekewe long han bilong ol pipel. Na em i bin wokim wanpela lo bilong famili plening long pasin ol pipel i no laikim tru.

I tru, long dispela taim Misis Gandhi i bin holim olgeta pawa long han bilong em inap 19 mun, i bin mekim planti samting i go

het gut insait long India. Olsem i no gat trabel namel long ol wokman na bosman. Wok didiman i bin go het gut tru. Pasin bilong pulim grismani insait long ol ofis bilong gavman i pinis. Ol India i bin wokim planti samting bilong salim ol ausait kantri. Ol lesman i raus long ol ofis bilong gavman. Na prais bilong olkain samting i no bin kalap i go antap tumas. Ol dispela samting i gutpela tru.

Tasol Praim Minista Indira Gandhi i pasim ol



Misis Indira Gandhi

pipel tumas na ol i no fri long laip bilong ol na pasin bilong ol. Na olsem ol i kirap nogut. Misis Gandhi na pikinini man bilong em, em Sanjay, i bin wokim wanpela strongpela lo tumas. Em dispela pasin ol i kolim long Tok Inglis "sterilisation". Em i wanpela pasin bilong katim liklik mambu insait long bol bilong man na pasim rot

bilong wara i save kamapim pikinini. Olsem dispela man i no inap moa long kamap papa.

Long ol dipatmen bilong gavman bilong India aninit long Misis Gandhi long yia i go pinis, ol i strong tumas long bihainim dispela tingting bilong Misis Gandhi. I orait long wanpela wanpela famili i gat tupela pikinini tasol. Kamapim tupela pinis, orait, papa bilong dispela famili nau i mas go long dokta na em i pasim mambu bilong em. Sapos em i mekim olsem, orait planti gutsamting i ken kam long em. Em i ken go het gut long wok na kisim moa pe long gavman. Em i ken kisim gutpela haus bilong gavman na spes long skul long tupela pikinini bilong em.



MORARJI DESAI

Sapos papa i go long dokta na larim em i katim em, em i save kisim olkain prais na mani long gavman.

Nau dispela pasin i pinis. Ol pipel i no laik. Ol i tok wok bilong kamapim pikinini, em i samting bilong wan wan manmeri.

Bosman bilong nupela gavman em i wanpela lapun, Mararji Desai, em i gat 81 krismas. Nupela Janata gavman i gat planti kain grup insait long en, na em bai hatwok long bungim ol wantaim long wanpela wok na wanpela tingting. Ol bai hatwok long bihainim strongpela lo bilong Misis Gandhi.



JAGJIVAN RAM

Tasol sapos papa ya i no larim dokta i katim em, orait, em inap long lusim wok olsem pablik sevan long gavman. Sampela taim em i mas baim kot. Sampela taim dispela kain papa i go kalabus. Long wanpela provins, gavman i tambu long givim fri kaikai long namba tri pikinini.

Planti pipel i ting bihain liklik bai Mista Jagjivan Ram i traime kisim pawa bilong gavman long han bilong em. Mista Ram em i lida bilong wanpela lain pipel long India i daunbilo na i rabis tru - em ol i raus long olgeta arapela lain pipel. Mista Ram em i minista long Gandhi gavman.

BAIM WANTOK

Sapos yu laik kisim WANTOK niuspepa i kam long yu stret olgeta wan wan wik bilong dispela yia, yu katim dispela tiket long sisip na salim i kam wantaim K8.00.

NEM BILONG YU:

ADRES BILONG YU:

Salim sek o mani oda inap long K8.00 wantaim dispela tiket i kam long:

**WANTOK
BOX 1982
BOROKO**

Sapos yu bilong wanpela skul o misin o grup na yu laik kisim moa olsem 10-pela WANTOK wantaim long olgeta wan wan wik, orait yu rait na askim mipela long spesel prais mipela i gat long man i baim planti WANTOK olsem.

TOBA PTY. LTD.


Lae, Port Moresby

CANTER

TIPPER

T120 MINIBUS

T120 UTILITY



LANCER

MINICA

CELESTE

SIGMA

OL I HETMAN BILONG SALIM OL MITSUBISHI KA

WOK ILEKSENI GO SLO

Ol politikal pati i kirap nogut long wanem Komisina Bilong Bosim ol Ilekse, em Mista James Mileng, i no bin go yet long gavana jeneral em Sir Tore Lokoloko bai em i maskim de bilong stat long resis long winim vot bilong ileksen. Em ol i kolim "Writ of Election".

Mista Mileng i tok, as bilong dispela trabel em hia: ofis bilong em i no pinisim yet lista bilong olgeta manmeri bilong PNG ol inap long vot o inap long sanap kendidet long ileksen.

Olgeta manmeri i laik resis olsem kendidet insait long ileksen, nem bilong ol i mas stap long lista. Sapos em i no stap, orait, dispela man o meri i ken askim long kamap yet long lista. Bihain gavana jeneral i makim pinis de bilong ileksen, i no inap moa long wanpela man o meri i ken putim nem long lista. Lista i pas pinis. Olsem na man o meri i laik insait olsem kendidet bilong dispela ileksen, i no ken moa.

Wanpela as bilong trabel em ol nupela arere ol i bin makim bilong sampela nupel ilektoret, na long palamen toktok na tingting i paul nabaut long ol yet.

TOK SAVE BILONG

WANPELA NUPELA ILEKSENI OFISA:

Komisin bilong bosim ol ileksen i bin tekewe nem bilong Mark Vincent O'Regan olsem ileksen ofisa bilong Kairuku-Hiri Iektoret na i makim STURGES ARABATA long dispela wok.




23 Mas 1977 - J.S. Mileng

BIKPELA KIBUNG LONG PORT MORESBY WANTOK

Long Tunde, 29 Mas, samting olsem 80 spesel pipel na saveman i bin bung wantaim long nupela ofis bilong WANTOK niuspepa long Port Moresby bilong opim em tru. Ol i man bilong NBC na ol niusman bilong sampela niuspepa bilong Australia na arapela kantri, na tu sampela tokman bilong ol arapela kantri i gat ofis long Port Moresby olgeta i bung na amamas.

Mista Julius Chan, Minista bilong Fainens, i bin stap wantaim Minista bilong Infomesen, Dokta Reuben Tau-reka. Mista Chan i givim toktok long ol bilip bilong em na Pipels Progres Pati bilong em long olkain wok bilong bungim na tokautim olkain nius long redio na kain kain niuspepa. Em i tok amamas tu long WANTOK i bin winim 6-pela yia long wok bilong givimaut nius na tok save long ol pipel bilong ol liklik ples, em ol i stap longwe long ol biktaun.


Olgeta save i kamap long ol bikpela bikpela buk tasol. Em i gat planti smatpela aidia na buksave. Na sapos yu win long buksave, yu klewa tru na yu gat bikpela namba moa.




Ol man i gat buksave, ol i no laik kisim liklik save long ol lapun na fama na man bilong ples.




Na i no dispela tasol. Nogat. Ol sumatin i stap longwe long wok. Ol i wok long het tasol. Maski long han, maski taitim bun...



Ol i stadi na stadi na skul tasol. Ol i no mekim liklik wok. Wok em i westim taim....



Ol papamama i baim skul bilong ol, i olsem ol i wokabaut i go antap long baksait bilong ol



WINIM MANI ISI TUMAS

PAINIM NA KISIM OLPELA TAIA I KAM MIPELA DUNLOP I SAVE BAIM



LAE: Aircorps Rot - klostu long maket



THE INVESTMENT CORPORATION OF PAPUA NEW GUINEA



MIPELA SAVE LUKAUT GUT LONG MANI BILONG YU

BAI EM I WOK

LONG HELPIM YU

NA KANTRI TU

Sapos yu laik save moa long we bilong kisim winmani, yu rait long: Investment Corporation
P.O. Box 155
Port Moresby

NEM BILONG YU:

ADRES BILONG YU:

.....

LO BILONG RANIM MITING

Sapos grup o klap bilong yupela i gat ofisa pinis na i kam bek mekim namba tu miting bilong em, bai miting i ran olsem. Na olgeta arapela miting bihain bai ran wan-kain tasol.

Pasin bilong opim miting.

Bilong opim miting, siaman, seketeri, na tresara i go sindaun paslain long olgeta pipel, nabaut long wanpela tebol. Nau ol pipel tu i sindaun na siaman bai i tok: "Mi opim miting nau". Long sampela ples nau ol i save wok-im wanpela liklik beten bilong singautim helpim bilong God long ol wok ol i laik mekim.

Minit bilong Las Miting


Siaman nau i tokim seketeri long ritim minit bilong las miting. Minit em i stori bilong las miting, em seketeri i bin raitim daun.

Bihain seketeri i ritim minit pinis, siaman bai askim ol memba sapos ol i ting ol tok bilong minit i stret o nogat. Sapos ol i pilim sampela samting i no stret, seketeri i mas senisim. Na sapos ol samting i orait pinis, seketeri i sainim nem bilong em aninit long minit, long soim minit em i ritim pinis i trupela tok. Bihain ol memba i vot orait long minit, siaman tu i raitim nem bilong em aninit long en. Nau i no inap wanpela man i ken senisim tok bilong dispela minit.


Wok bilong miting. Tasol em i mas raitim olgeta bikpela toktok bilong miting. Tasol em i mas raitim olgeta bikpela tok. Na sapos i gat vot long wanpela samting, dispela em i mas raitim klia tru: ol i vot long wanem samting. Na hamas memba i vot yesa na hamas i vot egens.

Sapos ol memba i bin wokim na votim wanpela lo, orait, em i mas stap klia tru long minit.

(i go moa long pes 11)




Lapun, mipela i gat dispela kain skul bilong bipo yet ?




Ol waitman i bin skulim mipela long tingting na wok olsem waitman. Tasol mipela narapela man, mipela narapela kantri. Mipela i pilim olsem mipela i sindaun kranki long hos, mipela i sindaun lukim tel bilong em, tasol taim em i wokabaut, het bilong em i go pas na mipela i gostan.



Mipela i mas traिम na tanim dispela hos - dispela skul



Tasol em i bikhet




Em i no laik senis.




Na em inap rausim mipela yet - inap sotpela taim.



Tasol mipela i no laik tru long pasin bilong em na mipela i laik stretim bek - maski em i hatwok.



Ating, bihain tru mipela inap rausim em.



Na dispela nupela kain skul bilong mipela...bai em wanem kain?

Mipela i no save yet...

Em i samting bilong yumi olgeta. Orait, nau yu ting wanem ?

SINGER

*A Trademark of The Singer Company

PREN BILONG YU INAP OLTAIM

PAS I KAM LONG OL PIPEL

OL DRAIVA SAITIM HAT

Dia Edita - Hia nau mi laik bekim pas bilong Peter C. Kaupa Mingende, Isten Hailans Provins, long Wantok Nius No.160 Sarere 5/3/77 pes 4. Long pas bilong em, em i tok long ol man i save bilas waitman na pasin kanaka.

Long bekim bilong mi i go olsem. Brata ating yu wanel tasol, man i save tumas ya laka! Na mipela olgeta ating kanaka bilong yu? Brata em i laik bilong mipela tasol long bilas long wanem kain bilas mipela i laikim, bilas tumbuna o waitman. Na tu mipela i laik bilas, dabolim tumbuna na waitman, em i laik bilong mipela wan wan tasol.

Sapos yu i no laik, em samting bilong yu tasol. Brata, ating yu i gat wari long mipela ol draiva i save mekim stail bilong mipela long saitim hat na sindaun draiv na karim ol-manmeri bilas. Olsem na yu jeles long dispela na yu tok mipela kanaka.

Brata, sapos yu wari long dispela, orait, traim na yu sanap long bikpela rot bilong gavman mipela ol draiva i ken kisim yu i kam daun long Lae. Na yu ken lainim draiv. Na yu ken mekim stail bilong yu olsem mipela i save saitim hat na sindaun draivim ka.

Brata em kas bilong mipela ol draiva i save saitim hat na sindaun draivim ol ka i save mekim yu wari.

Brata sapos bel bilong yu i hat tumas orait yu ken rait tasol long Wantok Nius na mi i ken lukim.

Matthew Ambale,
Lae.

WE STAP NARAPELA PLES OLSEM?

Dia Edita - Mi Alphonse Asambanj, mi amamas tru long ol pipel bilong ples Amaki ol i save mekim olsem taim wanem man i go

insait long ples Amaki, ol i mas helpim em long kaikai bikos taun i stap longwe tru long ples Amaki. Man olsem i save i go insait long Amaki tisa na dokta, man i save amamas tru long go insait long ples Amaki.

Sapos yu husat dokta o tisa i laik go insait long ples Amaki, bai amamas tru long i stap bikos yu no sot long wanem samting. Mani bilong yu bai i stap gut. I no inap long yu lusim mani long kaikai. Yu inap tru.

Sapos yu husat i laik save rait i go long Wantok Niuspepa.

Alphonse Asambanj,
Ambunti/Is Sepik.

WANTOK NIUSPEPA GIAMANIM OL

Dia Edita - Mi i no amamas long stori (19 Feb. Wantok) long TRANSKEI. Yupela Wantok i kolim "nupela independen kantri bilong Saut Afrika." Tasol ating Wantok i giamanim ol rida, olsem ol waitskin bilong Saut Afrika i trai long giamanim ol blakskin bilong "Transkei."

Namba bilong ol blakskin insait long Saut Afrika i bikpela tumas (Nigeria na Ethiopia tasol i winim em), na dispela namba i winim tru namba bilong waitskin. Tasol ol waitskin i save bosim ol blakskin, na ol i makim sampela rabis graun i no ga biktaun o gutpela samting bilong graun inap kisim winmani (olsem Bougainville kopa), na ol i banisim dispela lain blakskin insait long dispela rabis graun tasol.

Nau Saut Afrika i singaut long Yunaitet Nesens, "Mipela kamapim nupela independen Transkei." Tasol dispela mauswara i no inap karim kaikai long ol saveman bilong ol independen kantri husat i memba bilong Yunaitet Nesens. Ol memba i tok, "Yupela Saut Afrika, i no

MASKI LOTU BILIP TASOL

Dia Edita - Hia nau mi gat wanpela tingting, mi laik tokaut long mipela yet, manmeri bilong kain kain lotu.

Nau mipela i save praut tru long wanem kain lotu mipela i kam long en. Mi ting olsem, nogut yumi tingting tumas long wanem

SALIM OL
PAS I KAM
LONG:
WANTOK
BOX 1982
BOROKO

inap giamanim mipela. Nogat tru."

Papua Niugini i wanpela memba na ating PNG i wanbel wantaim arapela memba long dispela tok.

Mi sori tru i luk olsem Wantok i laik helpim Minista bilong Infomesen bilong Saut Afrika long giamanim mipela. Em tasol.

(Dokta) Ron Pust,
Wapenamanda/Enga.

Dia Dokta,

Tok bilong yu i stret. Mobeta mipela i katim dispela tok "independens" long piksa stori bilong mipela long kantri Transkei, long WANTOK namba 156, pes 2.

Tingting tru bilong WANTOK i stap long namba 155 pes 2, wan wik bipo, we mipela i ripot long tingting bilong Yunaitet Nesens. Hia mipela i bin tok klia: "dispela kain independens em i bilong bilasim nating nem bilong Saut Afrika; dispela independens em i giaman independens tasol".

Tenkyu, dokta,
Mi edita.

lotu yumi kam long en, na yumi no bilip long Bikpela God. Long wanem, rilisen i no inap mekim yumi i go long heven. Nogat. Em yu yumi bilip long Jisas tasol, em wanpela rot tru.

Yumi i no ken ting mi bilong Yunaitet Sios, mi bilong Baptis Misin, o CMML. Long wanem, long Jisas wanpela tasol yumi bilip, wanpela Jisas.

I tru, yumi ken amamas long olkain lotu. Tasol kain kain lotu, i no inap bringim yumi long heven. Bilip long Bikpela tasol. Olsem, em dispela wari bilong mi. Mi laikim olgeta i mas rit na save. Sampela bilong yumi i ting mi stap long hap bilong Wewak, i no gat Yunaitet Sios hia. Em ol arapela sios tasol. Na em i stap long haus. Em i no gutpela.

God i no laikim ol kain kain lotu. Em i laikim ol bilong yumi tasol. Tenkyu.

Lois Pokuk,
Anguganak/Wewak.

PE BILONG PAWAMAN

Dia Edita - Mi laik askim gavman olsem. Bilong wanem na gavman i peim ol man i save lukautim ol pawa bilong gavman i go daun? Mi no save long dispela kain lo olsem na mi salim dispela wari bilong mi i go long Wantok.

Mi yet mi save long ol man i save operetim o lukautim ol pawa bilong gavman insait long Wes Nu Briten. Ol i no save kisim pe bilong ol i no go antap. Mi no save long sampela man ol i wokim dispela kain wok olsem tu long narapela provins. Mi no save long sindaun o wari bilong ol.

Tasol mi lukim dispela kain pe olsem na mi wari long ol dispela man ol i lukautim ol pawa bilong gavman. Olsem na mi laikim bai gavman i mas peim ol i go antap liklik.

Mi wari olsem long wanem sindaun bilong ol i

lukluk nogut olsem. Ol i sindaun olsem sampela man i no gat pawa bilong toktok o bilong lukluk. Olsem na ol i sindaun bilong wari tasol.

Wari bilong mi hia i mas i go tru long gavman na em yet i lukim na em yet i mas skelim dispela. Lukim, mi i no gat wari long yangpela man, nogat. Mi gat wari long ol man i gat pikinini na ol i wok long gavman. Ol i save holim wok bilong gavman tasol gavman i no save peim gut ol.

S. Sebastian Posey,
Wes Nu Briten Provins.

KUNG FU MAN BEKIM TOK

Dia Edita mi laik bekim pas bilong tupela man em tupela i raitim pas i go long Niuspepa na toktok long salim mi go bek long provins bilong mi.

Tupela man ya, wanpela i stap long Badili na narapela i stap long Gerehu.

Yes, tupela, mi i stap long Port Moresby inap long 11 yia. Tasol mi no bin brukim haus na stilim samting na paitim man o holim ol meri. Nogat tru.

Na mi ting mi wanpela tasol i no save Kung Fu. Planti man tu ol save Kung Fu. Na sapos yu laikim mi go bek long provins bilong mi, orait i no ken raitim pas long niuspepa. Yu mas i kam long Tabari Ples long Boroko na holim han bilong mi na tokim mi long lusim Port Moresby Siti na i go bek long ples bilong mi. Na i no ken raitim pas i go long niuspepa, long wanem mi no save long tok inglis.

Sapos yu laikim mi go bek long provins bilong mi, orait, kam long Tabari Ples, Boroko long Sarere na tokim mi, laka.

Kung Fu Man,
Tabari Ples/Boroko.

(i kam long pes 8)

Ripot long ol wok:

Nau siaman i mas askim ol memba i bosim o holim sampela wok insait long klap long givim ripot long wok bilong ol.

Sapos long las miting ol i bin vot long mekim wanpela wok o samting, nau siaman i mas ritim ripot bilong dispela samting long ol memba, bai ol i ken save, klap i bin bihainim laik bilong ol memba o nogat. Klap i laik save, wok em i bin makim, i go het gut o nogat. Na sapos nogat, bilong wanem nogat.


Ripot bilong seketeri

Nau seketeri i ripot long ol pas i bin kamap insait long dispela taim namel long tupela miting. Seketeri i save holim olgeta pas na mail bilong klap. Seketeri i mas rit imaut ol pas bai ol memba i ken harim.

Orait, nau seketeri i mas ripot long olgeta pas em i bin raitim na salim i go, long nem bilong dispela klap. Sampela taim miting yet i tok em i mas raitim sampela pas. Orait, nau em i ripot long dispela. Sampela taim em i mas bekim tok tasol long ol pas klap i bin kisim. Sapos seketeri i mekim ripot bilong em na sampela memba i ting em i bin rait kranki, ol i ken tokim em.

Ripot bilong Tresara:

Tresara i mas tok save long klap i gat hamas mani long beng. Sapos tresara i bin lukautim gut mani, nau em inap long soim ripot bilong hamas mani i bin go insait long



Em wanpela kibung tru bilong Wewak-But Kaurasil we ol man i save tumas long ranim ol miting.

Em i WANTOK foto.

beng; na hamas mani klap i bin lusim bilong baim ol samting na mekim wok bilong em.

Nau tresara i givim ripot long hamas mani klap i bin lusim long wan wan samting em i bin baim. Em i ken toksave tu long klap i mas baim wan wan samting olsem takis na rent na kain samting olsem. Na em i mas kisim orait bilong klap na ol memba i mas vot long tresara i ken go het peim ol dispela samting o nogat.

Bihain ol i harim ol tok bilong tresara pinis, miting i vot orait long ripot bilong em.

ATING YU SAVE

Gavman i laik painim sampela bisnisman bilong kirapim wanpela faktori bilong wokim ais krim na narapela bilong wokim ol loli bilong kakao. Long wokim ol loli ol i save yusim planti kakao na tu kokonas na olsem sampela pipel i ting em i gutpela sapos mipela i gat sampela faktori bilong wokim ol dispela switpela samting bilong PNG stret.

DUNLOP

RADIAL

YU TUI RAN I GO LONG

Manahu na Gabaku Strit
Gordons (Port Moresby)

Aircorps Rot
klostu long maket
Lae

SMATPELA
NARAKAIN TRU

Gat ain insait
Ran long taim moa
Pasim rot tru
I no bikpela mani tumas

STEEL RADIAL



SP STEELMAX 70
(SP SM 70)

RADIAL



SP HI-TOURING
(SP HT)



SP SPORT

GO LUKIM DUNLOP — KISIM SPESEL PRAIS — GAT OLKAIN TAIA



FILM BILONG ILEKSEN BILONG YIA 1977

1. **Komisin Bilong Bosim ol Ileksen wantaim Ofis bilong Infomesen o Tok Save** tupela i bin tok orait long bung wok wantaim long wokim wanpela muvi o film i gat ol kala piksa. Dispela film bai stori long ol bikpela samting ol memba i bin mekim long las kibung bilong Palamen. Na tu em i stori long pasin bilong ol kendidet i raun nabaut na tok politik wantaim ol pipel long taim ol i resis long winim vot bilong ol. Film bai soim tu olsem wanem ol pipel i vot. Na tu bai em i soim olsem wanem nupela Palamen i stat gen bihain long ileksen i pinis na ol nupela memba i kam insait. Tok orait bilong dispela film i ken stat, em i kamap long 31 Janueri 1977.
2. **Long yia 1964 na 1968 na 1972** ol i bin wokim sampela film tu bilong wok ileksen bilong soim olsem wanem ol pipel bilong Papua Niugini i bin go het long kisim independens. Tasol dispela nupela film bai soim olsem wanem independen Papua Niugini i amamas long independens bilong em na em inap tu long ranim gavman bilong em. Dispela nau em i namba wan ileksen bihain long kantri i bin kisim independens bilong em, olsem na em i spesel samting insait long stori bilong kantri.

Na tu i gat tripela as moa bilong wanem ol i wokim dispela film:

(a) **BILONG SKULIM OL PIPEL**

Dispela film bai pinis long Janueri 1978 na pastaim bai ol i soim long ol pipel bilong Papua Niugini. Em bai soim olsem wanem olkain pipel insait long kantri i wok long votim ol lida i stap nau insait long gavman na i ranim kantri bilong ol.

(b) **BILONG SOIM OL ARAPELA KANTRI**

Dispela film bai i soim pasin politik na gavman bilong PNG long ol pipel bilong ol arapela kantri. Na tu em bai soim wanem olkain samting i stap long dispela kantri i gutpela bilong kirapim bisnis. Bai dispela film i raun long ol arapela kantri bilong kirapim tingting bilong ol bikpela bisnisan long kirapim bisnis insait long PNG.

(c) **BILONG WINIM MANI**

Dispela film bai inap winim mani olsem tasol.

(I) Em bai winim mani taim ol arapela kantri i soim dispela film long televisen bilong ol. Televisen em i redio i gat piksa i kamap wantaim toktok, olsem long wanpela liklik muvi. Australia bai laikim dispela muvi na tu Englan na Amerika na Japan.

(II) Dispela film bai helpim kantri tu, bikos em bai soim PNG i gat wanem olkain samting insait long en i gut long kirapim wok bisnis, na ol naispela samting na ples ol turis i laik lukim. Dispela film bai soim ol arapela kantri ol i ken helpim mipela olsem wanem. Dispela film tu i strongim bel bilong ol arapela kantri bai ol i no ken pret long putim mani bilong ol insait long dispela kantri, long wanem wok gavman na wok politik bilong mipela i sanap strong na gutpela.

Komisin Bilong Bosim ol Ileksen i bin kirapim dispela wok tasol bilong mekim em i kamap gut, olgeta lida na pipel i nas bung wok wantaim ol man i raun na wokim muvi.

(d) **HUSAT I WOK WANTAIM LONG WOKIM DISPELA FILM**

Ol dispela kampani na dipatmen na man i wok wantaim bilong wokim dispela muvi:

Komisin Bilong Bosim ol Ileksen i baim dispela wok

Ofis Bilong Infomesen o Tok Save i bosim ol wok bilong mekim muvi

Air Niugini i bringim nabaut ol wokman

Talair na arapela lain balus i bringim nabaut ol wokman

Film Australia i lukautim ol masin bilong wokim film

Dipatmen Bilong Wok na Saplai - i givim transpot long ka na trak

Post Courier na arapela niuspepa - ol niusman.

Man bilong bosim wok: Dennis O'Rourke na G. Kildea

- (e) Lain man bilong wokim dispela film bai raun nabaut long olgeta hap bilong kantri na i toktok wantaim ol lida bilong olkain grup. Bai ol i wok tu wantaim ol ileksen ofisa long wanem dispela muvi i mas soim olkain pasin mipela i save mekim long taim bilong ileksen na vot.

Ol i ting long pinisim dispela film long Janueri 1978, na stat long dispela taim ol i laik soim long ol pipel. Dispela em i wanpela bikpela wok em Komisin bilong Bosim ol Ileksen i bin kirapim bilong helpim ol pipel bilong Papua Niugini. Olsem na mi askim ol lida na hetman na pipel long wok gut wantaim ol dispela man i kam raun bilong wokim dispela muvi long hap bilong ol.

*Mi J.S. Mileng i raitim.
Komisina bilong bosim ol Ileksen
22 Mas 1977*

BAI TAKISIM

WOK BISNIS

BILONG SIOS

Mista Julius Chan, Minista bilong Fainens, i bin tok long palamen long Mun Februeri yet, em i tingkis bilong gavman long takisim ol wok bisnis bilong ol sios na misin.

Em i tok, gavman i pilim olgeta kain bisnis i mas karamap long takis. Maski winmani bilong em i go arasait long kantri o i stap insait long kantri. Mani bilong olgeta lokal bisnis i save stap insait long kantri. Na ol tu i takis.

Gavman bai putim takis tu long olgeta wok bisnis bilong ol politikal pati na ol tret yunion tu.

Mista Chan i tok, gavman bai i wet inap 5 yia long putim takis tru antap long wok bisnis bilong ol dispela grup. Nau em i givim tok save long ol. Inap long 3 yia nau bai ol i no takis yet. Bihain long 3 yia bai winmani bilong ol i takis hap tasol inap 2 yia.



Dispela misineri i wok long Tanzania long Afrika na em i insait tru long wok didiman bilong pipel bilong em. Planti ol i save groim pik. Tasol dispela pik bilong fam bilong ami long PNG i jeles long em na em i putim wailes long harim tok ples bilong liklik pik.

NIUS BILONG WANTOK NIUSPEPA

Wanpela arapela liklik nius bilong WANTOK niuspepa. Taim Kwin Elisabeth i bin stap long Port Moresby, wanpela ripota bilong WANTOK i bin go bungim em long kap ti. Ripota ya i soim dispela kopi WANTOK i gat poto bilong Kwin antap long en. Na Kwin i amamas tru long lukim em, na tu long ol arapela poto mipela i bin prinim. Em i kisim WANTOK i go long ples wantaim em. Na man bilong em, Prins Philip, em i tok pilai long wan hap Tok Pisin wantaim ripota. Long Englan, BBC televisen i bin soim long ol pipel dispela poto bilong WANTOK niuspepa i gat poto bilong Kwin. Olgeta ol i amamas long en, na mipela i hepi tru.

NUPELA KAIN NIUSPEPA LONG P.N.G.

Ofis bilong Infomesen o Tok Save bilong gavman nau i laik stat wokim wanpela kain nupela niuspepa. Dispela niuspepa bai i gat wan pes tasol. Tasol em i bikpela moa na ol toktok bilong em ol i prinim bikpela tu, - bai planti pipel i ken sanap ritim wantaim.


Dispela kain niuspepa ol i save yusim long Saina. Ol i save hangamapim long ol banis bai ol pipel i ken sanap ritim.

Dispela niuspepa bai kamap long Tok Pisin na Tok Motu. Nem bilong em long Tok Pisin, em

HARIM. Na nem bilong em long Tok Motu em KAMONAI.

Dokta Reuben Taureka, Minista bilong Infomesen, i tok pastaim ol bai salim 200 kopi bilong dispela niuspepa i go long wan wan infomesen ofisa long wan wan provins. Bai ol i wokim olgeta mun.

Ofis bilong Infomesen i save prinim 50,000 kopi bilong OUR NEWS long Tok Inglis na Tok Pisin na Tok Motu olgeta mun. Na dispela i save go long ol praimer skul. Dispela papa i winim 17 yia.pinis.



MIPELA PIK BILONG AMI MIPELA SMAT MOA

Defence Force Photo

Taim Nau Senisim Gavman Makim Yunaitet Pati **YUNAITET PATI I BILIP LONG DISPELA SAMTING**

STRONGPELA PAPUA NIUGINI I WAN KANTRI TASOL

VILES DIVELOPMEN

MOA MANI MAS KAMAP LONG PLES

MOA SKUL

KRISTEN EDUKESEN

MOA HELT SEVIS I MAS GO LONG OL PIPEL

PAINIM MOA WE BILONG GIVIM WOK

WOK BISNIS I MAS GO HET

MOA LOKAL PIPEL I MAS PAPA BILONG BISNIS

SAPOTIM YUNAITET PATI KENDIDET NA PAPUA NIUGINI WANTAIM

Akepa Miakwe



Dispela spes Yunaitet Pati i baim.

Sir Tei Abal



Raphael Doa



Tok orait long dispela tok save i kam long
Sir Tei Abal, CBE., P.O. Box 3534, Port Moresby

watpo

Porgera gat gol

Wanpela taim long bipo bipo tru wanpela man na meri bilong em, i stap long wanpela ples ol i kolim Yarika. Tupela i stap i go na bihain tru tupela i karim wanpela pikinini man na wanpela pikinini meri. Foapela i stap i go i go na wanpela taim ol sampela lain man ol i kilim pik na mekim pati na ol i salim tok long olgeta manmeri i mas i kam long pati. Orait, tupela papa na mama i harim pinis.

Orait tupela i tok. Bai mitupela i go long tumora na nau mitupela i karim kaukau na brukim paiawut na pulimapim wara bilong tupela pikinini na redi long haus.

Tupela i redim olgeta samting pinis na ol i slip. Na long moningtaim tupela i kirap kukim kaikai i stap na tupela i tokim tupela pikinini bilong tupela. Yutupela i ken slip long wanpela nait tasol na yutupela i no ken mekim nois na tokok samting. Yutupela i mas pasim dua gut na slip i stap. Bai mitupela inap i kam bek long tumora.

Orait, papamama i tokim tupela pikinini bilong tupela pinis, nau tupela i rausim i kaukau na tupela i kirap i go long pati.

Orait, tupela pikinini i no mekim wanpela nois o

singaut samting. Nogat. Tupela i stap long haus. Na bihain i tudak na tupela i pasim dua i strong tru. Na tupela i kukim kaikai insait long haus na i kaikai. Tupela i kaikai pinis, orait, tupela i go slip long rum.

Long nait tru tupela i pilim graun i guria na harim ol diwai i pundaun nabaut. Na tupela i pret nogut tru na tupela i no slip. Ai bilong tupela i op tasol i stap inap biknait tru na tupela i harim wanpela stik i pairap na tupe-

la i ting wanpela man i kam.

Orait bihain liklik tupela i harim wanpela man i toktok na em i spik, he, tupe-la pikinini bilong mi, yutupela i no ken pret. Mi papa bilong yutupela mi kam na bai mi slip wantaim yutupela.

Orait tupela pikinini i no tok na mekim liklik nois samting. Tupela i holimpas gut tru na harim tasol i stap. Bihain tru dispela man i kirap na i opim dua na i go insait. Em i go insait. Em i go insait na i tokim tupela pikinini: Mi tumbuna bilong papa na mama bilong yutupela Yutupela i no ken pret long mi.

Em nau tupela pikinini i ting tru na tupela i kam ausait long rum slip bilong tupela. Man ya em i no luk olsem man tru, man ya i luk olsem wanpela skin bilong em i gat nilnil na i kamap olsem pukpuk.

Man ya i tokim tupela na i tok, mi tumbuna bilong yutupela. Mi save lukautim yutupela gut na nau mi kam bilong soim pes bilong mi long yutupela. Nem bilong mi Waigima. Mi save slip antap long maunten Warokari.

Em i tokim tupela pinis na em i givim tupela gol-

ston long tupela na tok, dispela em bihain yu inap kamap maniman. Na yu inap painim planti kain kain samting long dispela tupela golston. Yutupela i ken tokim papa na mama bilong yutupela na yupela i ken painim planti gol aninit long graun na long wara tu.

Orait, em i spik, nau em i tulait na mi go long haus bilong mi. Taim em i go ausait klostu long dua, Waigima i tok, yutupela i ken kam wantaim mi na mi ken soim haus bilong mi long yutupela. Orait tupela pikinini i kirap bihainim Waigima.

Ol i wokabaut i go antap long maunten, na em i tokim tupela mi bai i go insait long dispela hul bilong ston. Na taim mi hangre bai yutupela inap lukim dispela kapiak i drai nating na lip bilong em i pundaun. Orait yutupela i mas kilim wanpela pik na kolim nem bilong mi na givim mi klostu long dispela kapiak.

Em bai mi inap kaikai na kapiak bai i kamap na stap gut na yupela inap stap gut tu. Sapos yupela i no givim kaikai long mi, mi inap bagarapim yupela i no inap

painim gol tu. Bai gol i lus pinis.

Em i tokim tupela olsem na em i laik i go insait. Nau em i tanim tanim olsem snek. Taim em i go insait, graun i guria na ston na graun i bruk nabaut.

Orait, nau tupela pikinini i go bek long haus bilong tupela. Na tupela i stap. Bihain papa na mama bilong tupela i kam, tupela i lukim pikinini bilong tupela i stap. Papa bilong tupela i askim tupela. Husat i kam long nait? Em tumbuna bilong mitupela Waigima i kam slip wantaim mitupela na mitupela i bringim em i go antap long maunten Warokari na mitupela i kam bek. Tupe-la i tokim olgeta stori Waigima i bin tokim tupela long en.

Orait, nau papa na mama bilong tupela i harim na kisim stori bilong tupela pikinini pinis, nau ol i kaikai pik na sampela ol kaikai em papa na mama i karim i kam long en. Ol i sindaun i go na taim lip bilong kapiak i drai ol i save kilim pik na givim Waigima.

Na ol i mekim olsem na i stap i go, na bihain tupela papa na mama i dai na tupela pikinini tasol i stap. *i go long pes 17)*



SOUTH PACIFIC MACHINERY
BOX 6115, BOROKO

Masport Distributors for PNG

*Olkain masin
bilong katim gras
na brukim graun.*

Brukim 2 fit graun wantaim

5 HP, 4 strok ensin

i ran long let gumi

isi tru long ranim

Baim long:
Agquip, Rabaul
W. Hailans Motors, Hagen

Dispela spes Pangu Pati i baim

PANGU



I OPIM ROT BILONG YU

- Viles Gavman
- Komyuniti Gavman
- Provinsal Gavman

- DEVELOPMEN - EDUKESEN
- BISNIS
- STRONGPELA GAVMAN

Wingkeo Williong, Nesenel Seketeri, Pantu Pati
P.O. Bokis 623, Port Moresby, i bin oraitim ol dispela tok.

TUMBUNA

(i kam long pes 15)

Na tupela yet i marit na karim wanpela pikinini man. Tupela i kolim nem bilong em Tiyani na em i wokim famili i go na nau ol lain Tiyani i stap long dispela ples Yarika. Na nau ol i painim gol na wok long gol na kisim planti mani long gol.

Na tu ol lain man Tiyani ol i mekim olsem Waigima i bin tokim ol long en. Nau tu ol i kilim pik yet taim ol i lukim lip bilong kapiak i drai.

Nau ol Maun Aisa Main Kampani i kam na ol i kamapim bikpela wok tru i kamap nau. Nau mipela i wok i stap yet i kam inap nau.

Joe Nandawa,
Porgera/Enga.



wantok
Mitaspeda bilong ol Papua Niugini stori

Papua New Guineans' own national weekly in Melanesian Pidgin.

Editorial Office:

Box 1982
Boroko
Papua New Guinea
Phone: 25.2214
Telex: WANTOK
NE 22213

Branch Offices:

Box 396
Wewak
Phone: 86.2488

Box 90
Rabaul
Phone: 92.1355

Box 111
Wabag.

Australian Advertising Representative:
Kevin Engel
8 Duraba Pl.
Caringbah (2229)
Phone: 525.6263

Subscription rate:
Annual: K8.00.

OL I WOK KAIKAI TASOL

Long kantri Bangladesh klostu long India ol i bin painim nupela we long painim wok bilong planti man na givim kaikai long ol tu.

I gat 3000 wokman i save wok long rausim graun bilong klinim ol bikpela baret wara na ol i save kisim kaikai olsem pe bilong ol. Ol i save wok mak. Olgeta taim wan wan man i rausim 70 fit graun, em i kisim 6 paun mais o kon olsem pe bilong em. Na i no gat bikpela buldosa o trakta bilong rausim graun.

Nogat. Ol man i wok long han na spet na pangal samting bilong karim graun i go.

Stori bilong dispela samting i go olsem. Bangladesh i gat 9 milion man i no gat wok. Em i olsem tri taim moa olsem olgeta manmeri insait long Papua Niugini wantaim. Bai ol i painim wok we?

Na tu gavman i no gat mani long baim ol. Ol ausait kantri i no laik givim mani oltaim long dispela samting. Tasol ol ausait kantri i save givim planti

kaikai long Bangladesh.

Orait, gavman i kirap tok olsem: gavman bai givim wok long yupela long klinim ol baret i save bringim wara i go long ol gaden. Sapos ol i klin, moa wara i save kamap na bai ol gaden i ken karim moa kaikai. Tasol gavman i no gat mani long baim yupela, olsem em inap givim mais long yupela olsem pe. Tri tausen man i orait long dispela kontrak.

Tasol em i no isi. Ol dispela man i no gat haus bilong slip - ol i save wokim liklik haus kunai tasol. Ol i

mas wok inap 12 aua long wan wan de. Ol i mas wok olgeta Sarere na Sande tu inap 5 mun stret. I no gat wanpela de bilong malolo. Na famili bilong ol i mas stap longwe.

Tasol ol dispela tarangu man i no gat graun olgeta. Ol i no gat gaden na ol i mas wok sapos ol i no laik dai long hangre. Ol i save kisim mais olsem pe. Tasol ol i laik kaikai rais. Olsem ol i save senisim mais wantaim rais. Mais em i olsem mani bilong ol. Long en ol i ken baim ol arapela samting.



MASKI NO GAT ROT TASOL I GAT

Yamaha Trail



Sapos yu laik raun long ol ples i no gat rot, maski, em i samting nating wantaim Yamaha Trail DT motobaik. I gat kain kain: sampela i no hevi na inap long ol meri. Na sampela gen i gat masel tru na inap long man i save spid. Maski yu laik go long wanpela ples, Yamaha inap bringim yu i go.



ELA
MOTORS LIMITED

**Burns
Philp**
GROUP OF COMPANIES





Molo.
Orait, nau mitupela tasol i stap.



Yu egens long mi?
Na yu gat wanem tingting?
Nogat. Mi wantaim yu.
Mi pret long gan, na i tok olsem.



Mipela mas bringim dispela daimon long man i gat planti mani.
Wanem nem bilong dispela man, ol i kolim nem bilong em pinis?
Prins Agiz...em i stap long ailan



Nik, yumitupela i mas wok wantaim
Maski. Mi rausim Molo, nau mi laik pinisim yu tu.



Han bilong mi i laik dai, olgeta bun i tait.
Em marasin tasol mi bin givim yu long dring. Em bai pinisim yu...




Mi save pinis yu stinka tru. Yu laik kilim mi... orait, mi winim yu pinis.. Yu go nau...




Gutbai, Nik.



He!



Wanpela dispela stilman tasol. Em Nik yet.. Tasol em i laik dai. Ol i mekim wanem samting long yu?
UH--UH...




Yes, mi Nik. Glasman i givim wanpela marasin nogut. Ol bun bilong mi i tait.
Wanpela diwai i bin holim yu long wara. Glasman i go we?



Em i go long Pris Ajiz. Em i stilim daimon bilong mi.
Bilong yu?



Inap nau dispela ston klostu i kilim 4-pela man na wanpela liklik meri. Na nau???



Dispela poto i soim olsem wanem ol kau na meme i go bun nating olgeta sapos i no gat wara. I no gat gras tu na ol bai kaikai wanem samting? Poto i kam long kantri Senegal long Afrika.




Dispela poto i soim sampela man bilong India i panim wata i kamap antap long raunwara na i go insait long ol likuk barei i go long ol bikpela gaden rais. Dispela pam i wok olsem taim man i krungutim baksait bilong suk em i lipimapim dispela baket i stap daunbilo na wanpela man i bin puimapim long wara.



United Nations Poto



United Nations Photo



United Nations Photo